



Ekonomski fakultet

Na osnovu člana 106., stav (3) Zakona o visokom obrazovanju Kantona Sarajevo („Službene novine Kantona Sarajevo“, broj: 36/22), člana 148. i 171. Statuta Univerziteta u Sarajevu, te člana 16. Pravila studiranja za treći ciklus studija na Univerzitetu u Sarajevu – doktorski studij (februar 2024. godine), Odluke Vijeća Univerziteta u Sarajevu – Ekonomskog fakulteta od 01. jula 2026. godine, odluke Senata Univerziteta u Sarajevu (broj:01-15-44/26 od 15. 07. 2026. godine), Univerzitet u Sarajevu – Ekonomski fakultet objavljuje

K O N K U R S

za upis osamnaeste generacije polaznika Doktorskog studija (treći ciklus studija) na Univerzitet u Sarajevu – Ekonomski fakultet u akademskoj 2026/2027. godini

I

Na doktorski studij „Poslovna ekonomija“ na Univerzitetu u Sarajevu – Ekonomskom fakultetu mogu se prijaviti kandidati sa završenim drugim ciklusom studija iz oblasti Ekonomije / Menadžmenta / Poslovanja prema Bolonjskom konceptu studija na akreditovanim univerzitetima, ili završenim postdiplomskim (magistarskim) programom prema predbolonjskom modelu studija i stečenim zvanjem magistra nauka iz oblasti Ekonomije / Menadžmenta / Poslovne ekonomije.

II

Spisak potrebne dokumentacije za prijavu na konkurs:

1. Diploma i dodatak diplomi prvog ciklusa studija, odnosno diploma i uvjerenje o položenim ispitima dodiplomskog studija (za studente koji su završili program prema predbolonjskom modelu studija) – ovjerena kopija
2. Diploma i dodatak diplomi drugog ciklusa studija, odnosno diploma i uvjerenje o položenim ispitima postdiplomskog studija (za studente koji su završili program prema predbolonjskom modelu studija) – ovjerena kopija
3. Rješenje o akademskom priznavanju visokoškolske kvalifikacije u svrhu nastavka obrazovanja za kandidate koji stekli prethodno obrazovanje izvan Bosne i Hercegovine – ovjerena kopija
Kandidati kojima nije završen postupak akademskog priznavanja diploma dužni su dostaviti potvrdu o pokrenutom postupku.
4. Izvod iz matične knjige rođenih – ovjerena kopija
5. Biografija (uključujući podatke o dosadašnjem obrazovanju, istraživačkom iskustvu, objavljenim radovima)
6. „Research statement“ (napisati prema Uputstvu za pisanje objavljenom na web stranici Fakulteta)
7. Motivaciono pismo

Ukoliko diploma, dodatak diplome ili uvjerenje o položenim ispitima nisu na jednom od službenih jezika BIH, potrebno je dostaviti i ovjerene prijevode od strane ovlaštenog sudskog tumača.

III

Plan upisa kandidata u prvu godinu doktorskog studija (trećeg ciklusa studija) za akademsku 2026/2027. godinu:

- 20 kandidata – državljani Bosne i Hercegovine (nastava se izvodi na maternjem jeziku)
- 10 kandidata – strani državljani (nastava se izvodi na engleskom jeziku)

IV

Rok za prijavu na konkurs je 30 dana od dana objavljivanja. Prijava na konkurs zajedno sa dokumentacijom dostavlja se na Protokol Fakulteta u zatvorenoj koverti, Trg Oslobođenja – Alija Izetbegović 1, svaki radni dan od 08-16 sati.

V

Cijena studija: 21.000 KM, uključuje sve troškove (nastava, ispiti, odbrana).

Obrazac Prijave, kao i detaljnije informacije o Programu, mogu se naći na:

<https://www.efsa.unsa.ba/ef/bs/upisi-se-na-efsa-doktorski-studij>